



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellvs De Principalitate Romanæ Ecclesiæ

Roth von Schreckenstein, Hieronymus

Ingolstadii, 1550

VD16 R 3252

Et Idem Tertvllianvs Cap. XLV. Quantum incommodi Respublica patiatnr ex morte innocentium Christianorum inquit.

urn:nbn:de:hbz:466:1-30126

ROMANAE ECCLESIAE.

orientem. Caesariano gladio ferocisse. Sed tali dedicatore damnationis nostrae etiam gloriemur, qui enim scit illum, intelligere potest, non nisi aliquid bonum grande damnatum à Nerone.

ET IDEM TERTULLIANVS

Cap. XLV. *Quantum incommodi Respublica
patiatur ex morte innocentium Chri-
stianorum inquit.*

Etenim illud detrimentum Reipub. tam grande quam uerum nemo circumspicit. Nam iniuriam Ciuitatis nullus expendit, cum tot iusti impendimur, cum tot innocentes erogamur. Vestros enim contestamur actus, qui quotidie indicandis custodijs praesidetis.

Nam superius Petrum & Paulum cruce & gladio à Nerone occisos diximus.

Linus à Saturnino Consule, cuius filiam Dæmonibus liberauerat, capitali affectus supplicio.

Cletus sub Domitiano Martyrio coronatus.

Clemens à Satellitibus Traiani in mare proiectus.

Anacletus sub Traiano Principe supplicio peremptus.

E iij Euaristus

DE PRINCIPALITATE

Euaristus sub Traiano.
Alexander sub Traiano.
Sixtus sub Traiano.
Telephorus sub Hadriano.
Hyginus sub Hadriano.
Pius sub Antonino.
Anicetus sub Antonino.
Victor sub M. Antonino Vero.
Soter sub Marco Antonino Vero.
Zeuerinus sub Seuero.
Calixtus sub Alexandro.
Urbanus sub Alexandro.
Antherus sub Alexandro.
Fabianus sub Gordiano.
Cornelius sub Decio.
Lucius sub Gallo & Volufiano.
Stephanus sub Decio seu Galieno.
Sixtus sub Decio seu Galieno.
Dionysius sub Valeriano.
Felix sub Valeriano.
Eutichianus sub Claudio.
Gaius sub Aureliano.
Marcellinus, Marcellus, Eusebius.
Sub Diocletiano.
Milciades sub Maximino.

Gloriosissimū
pro CHRI
S'TI regno
pertulere Mar
tyrium.

Vix dicit

DE PRINCIPALITATE

Vix dici aut credi potuisset XXXI. Pontifices Romanos per successionem Martyrium pertulisse, eosq; tanta acrimonia & ardore in fide Christiana perseverasse, & Romanam non deseruisse Ecclesiam, immò eius principalitatem sanguine & tormentis sæuissimis probasse.

Erant tum Imperatores Romani Domini fermè totius orbis ut superius explanauimus & pleriq; eorum sæuissimi Tyranni, quorum immensa potestas non potuit in ea urbe de qua summum pendebat Imperium Pontificiam potestatem extinguere.

Dic per Deum immortalem quid incredibilius, quam Imperatores Romanos Potentissimos ita excanduisse in Ecclesiam Christianam ut XXXI. Pontifices per successionem ultimo affecerint supplicio, tamen quo magis sæuitum in Ecclesiam Romanam eò magis incrementa sumpsit. Ad hæc innumerabiles ex Romanis præter Pontifices Regnum CHRISTI Martyrio adepti sunt. Quorum constantiam & feruentissimum spiritum undiq; ex historijs petere potes.

Quod si ea fidei uera probatio est, si quis propter Iustitiam & Regnum Christi persecutionem tulerit, quis potest ire in facias sanctam Romanam Ecclesiam, ueluti aurum igni, ita eandem immanissimis uerissime probatam persecutionibus, quæ tot cruces, gladios, ignes & tormenta sustinuerit. Iam uideant qui se ita temere ab hac principali Ecclesia segregare audent, & audiant Irenei sanctissimi uerba.

Ireneus